

NË EMËR TË POPULLIT

GJYKATA THEMELORE NË FERIZAJ- DEPARTAMENTI PER KRIME TE RENDA-si gjykatë e shkallës së parë, me gjyqtarin Musa Konxheli kryetar i trupit gjykues dhe sekretaren juridike Lavdije Brahimi në lenden penale kundër të akuzuarit B.H. për shkak të veprave penale mbajtja ne pronësi, ne kontroll ose ne shfrytëzim te pa autorizuar te armeve nga neni 374 par.1 të KPRK-së, sipas aktakuzës së Prokurorisë Themelore në Ferizaj PP/I.nr.185/2014 të datës 08.01.2015, pas mbajtjes se shqyrtimit fillestar me dt. 18.11.2015 ne prani te Prokurorit te shtetit Shukri Jashari, të akuzuarit B.H. me dt. 18.11.2015 shpallë dhe publikisht komunikon këtë:

A K T G J Y K I M

I akuzuari B.H., nga Ferizaj rr.”.....” nr..., data e lindjes.....në të njëjtin vend, nga i ati H. e ëma A. i vajzërisë M., i pa martuar, me profesion tregtar, shqiptar, shtetas i Republikës së Kosovës, i gjendjes së mesme ekonomike, dinë shkrim-lexim, ka të kryer shkollën e mesme.

Ë S H T Ë F A J T O R

Sepse me dt. 15 mars 2014 rreth orës 21:40, në rr” Dëshmorët e Kombit” në Ferizaj ka mbajtur në posedim të paautorizuar armë të llojit: revole ‘Zastava’, e kalibrit 7.65mm me nr serik. 300880 dhe një karikator me 7(shtatë) copë fishek, po të njëjtën ditë në shtëpinë e tij gjatë një kontrolli nga ana e policisë është gjetur arma automatike e tipit AK-47 me nr serik 0108032/90, ngjyrë e zezë me bajonetë, ky karikator, tetëmbëdhjetë fishek të kalibrit 7.62, një fishek të armës automatike Tomson, të cilat i sekuestrohen nga policia,-

-me qka ka kryer veprën penale mbajtja ne pronësi, ne kontroll ,ose ne shfrytëzim te paautorizuar te armeve nga neni 374 paragrafi. 1 te KPRK-së.

Andaj gjykata ne baze te neneve 4, 7,17,41,46,73, e 374 parag 1 te KPRK-së, si dhe të nenit 365 te KPPK-së.

E G J Y K O N

Me dënim me gjobë në shumë **prej 500 (treqind) euro** të cilin dënimin është i obliguar që ta paguaj ne afat prej 15 ditesh, pasi aktgjykimi të merr formën e prerë.

Ne rast se dënimi me gjobe nuk mund të ekzekutohet në format tjera të parapara me nenin 46 par 3 të KPRK-së, dënimi i caktuar me gjobe do ti shndërrohet ne dënim burgu, ashtu që për çdo 20 euro do ti llogaritet një dite burgu.

Në bazë të nenit 374 parag 3 te KPRK-se, konfiskohen në mënyrë të përhershme revolva ‘‘Zastava’’, e kalibrit 7.65mm me nr serik. 300880 dhe një karikator me 7(shtatë) copë fishek, po të njëjtën ditë në shtëpinë e tij gjatë një kontrolli nga ana e policisë është gjetur arma automatike e tipit AK-47 me nr serik 0108032/90, ngjyrë e zezë me bajonetë, ky karikator, tetëmbëdhjetë fishek të kalibrit 7.62, një fishek të armës automatike Tomson.

Obligohet i akuzuari që kësaj Gjykate të paguaj paushallin gjyqësor në shume prej nga 30 (tridhjetë) euro, të gjitha këto ne afat prej 15 ditëve pasi qe aktgjykimi te merr formën e prerë.

Arsyetimi

Prokuroria Themelore në Ferizaj ka ushtruar aktakuzën PP.I. 185/2015 të datës 08.01.2015 ndaj te akuzuarit B.H. për shkak te veprës penale, mbajtja ne pronësi, ne kontroll, ne posedim ose në shfrytëzim të paautorizuar nga neni 374 par. 1 te KPRK-së.

Gjykata duke vepruar sipas kësaj qështje penale mbajti shqyrtimin fillestar me dt.18.11.2015 në të cilën, prokurori i Shtetit Shukri Jashari mbeti në tërësi pranë aktakuzës dhe cilsimit juridik të vepres penale duke shtuar se i pandehuri e ka pranuar fajësinë në mënyrë vullnetare i cili pranim përputhet me të gjitha provat të cilat gjinden në shkresat e lëndës dhe i propozon gjykatës që i pandehuri të shpallet fajtorë dhe ti shqiptohet dënim i paraparë me ligj.

I pandehuri, B.H. në shqyrtimin fillestar ka deklaruar se e pranon fajësinë për veprën penale, për të cilën e ngarkon aktakuza, duke theksuar se me datën, kohën dhe vendin siç përshkruhet në dizpozitiv të aktakuzës me rastin e kontrollit nga ana e policisë në rr''Dëshmorët e Kombit'' në Ferizaj i janë gjetur revole ''Zastava'', e kalibrit 7.65mm me nr serik. 300880 dhe një karikator me 7(shtatë) copë fishek, po të njëjtën ditë në shtëpinë e tij gjatë një kontrolli nga ana e policisë është gjetur arma automatike e tipit AK-47 me nr serik 0108032/90, ngjyrë e zezë me bajonetë, ky karikator, tetëmbëdhjetë fishek të kalibrit 7.62, një fishek të armës automatike Tomson.

Gjykata konstaton se janë plotësuar kriteret nga nen. 248 par.1 të KPPK-së nga se:

- i pandehuri ka kuptuar natyrën dhe pasojat e pranimi të fajësisë,
- pranimi i fajit është bërë vullnetarisht nga i pandehuri,
- i cili pranim mbështetet në faktet e çështjes që përmban aktakuza, në materialet e prezantuara nga prokurori i shtetit siç janë vërtetimi për sekuestrimin e sendeve i datës:19.02.2014, vërtetimi për hyrjen në banesë i dt.15.05.2014, procesverbali i bastisjes së banesës i dt.15.05.2014 si dhe foto dokumentacioni që gjendet në shkresat e lëndës, dhe se aktakuza nuk përmban asnjë shkelje të qartë ligjore ose gabime faktike.

Meqenëse i pandehuri e ka pranuar fajësin e cila është në përputhje me kriteret e përcaktuara me nenin 248 par.1 të KPPK-së, kryetari i trupit gjykues konform nenit 248 par. 4 të KPPK-së ka vazhduar me shqiptimin e dënimit (*nëse i pandehuri*

në shqyrtimin fillestar pranon fajësinë dhe kryetari i trupit gjykues vlereson se pranimi i fajit është bërë në pajtim me ligjin mundë të vazhdoj procesin me shqiptimin e dënimit pa plotësuar trupin gjykues dhe pa mbajtur fare shqyrtimin gjyqësorë, lidhur me këtë shih mendimin juridik të Gjykatës Supreme të evidentuar si GJA.nr.207/13 të dt. 19.03.2013)

Vlerësuar nga aspekti juridik gjykata gjeti se në veprimet e të pandehurit formësohen tiparet e veprës penale mbajtja në pronësi, në kontroll ose posedim të pa autorizuar të armeve nga neni 374 par.1 të KPRK-së, meqë me datën kohën dhe vendin siqë është përshkruar në dispozitivin e këtij aktgjykimi, i pandehuri ka poseduar pa autorizim revole ‘‘Zastava’’, e kalibrit 7.65mm me nr serik. 300880 dhe një karikator me 7(shtatë) copë fishek, po të njëjtën ditë në shtëpinë e tij gjatë një kontrolli nga ana e policisë është gjetur arma automatike e tipit AK-47 me nr serik 0108032/90, ngjyrë e zezë me bajonetë, ky karikator, tetëmbëdhjetë fishek të kalibrit 7.62, një fishek të armës automatike Tomson.

Me rastin e matjes së llojit dhe lartësisë së dënimit gjykata vlerësoi të gjitha rrethanat të cilat ndikojnë në llojin dhe lartësin e dënimit në kuptim të nenit 73 të KPPK-së, si rrethana **lehtësuese** mori se i pandehuri e ka pranuar fajësin për veprën e kryer penale, sjellja korrekte gjatë shqyrtimit, pendimin që ka treguar dhe zotimin se në të ardhmen nuk do të kryejë vepra të tilla ose të ngjajshme. Në mungesë të rrethanave veqanarisht rënduese gjykata vlerësoi shkallen e përgjegjësisë penale të pandehurit dhe rrezikshmerinë konkrete të veprës penale. Mbi bazën e rrethanave të tilla i shqiptoi dënim me gjobë në lartësi prej **500 € (pesëqind euro) €**, me bindjen se në rastin konkret edhe përmesë këtij dënimi do të arrihet qëllimi i dënimit me gjobë dhe qëllimi i përgjithëshëm i dënimeve, në kuptim të preventives speciale dhe asaj gjenerale duke konsideruar se një dënim i tillë është adekuat dhe në proporcion të drejt në raport me peshën e veprës penale, rrethanave të kryerjesë së veprës penale, shkallen e përgjegjësisë penale dhe personalitetin e të pandehurit.

Konformë nen. 374 par .3 të KPRK-së, revole ‘‘Zastava’’, e kalibrit 7.65mm me nr serik. 300880 dhe një karikator me 7(shtatë) copë fishek, po të njëjtën ditë në shtëpinë

e tij gjatë një kontrolli nga ana e policisë është gjetur arma automatike e tipit AK-47 me nr serik 0108032/90, ngjyrë e zezë me bajonetë, ky karikator, tetëmbëdhjetë fishek të kalibrit 7.62, një fishek të armës automatike Tomson, konfiskohen

Konform nenit 450 par.2 nënpar 2.6 të KPPK-së obligohet i pandehuri që në emër të paushallit gjyqësor të paguaj shumën prej 30 (tridhjetë) euro , e cila është caktuar duke pasur parasyshë gjendjen ekonomike të pandehurit dhe komplikushmerinë e kësaj çështje penale.

Nga arsyet e sipërcekura është vendos si në dispozitiv të këtij aktgjykimi

GJYKATA THEMELORE NË FERIZAJ- DEPARTAMENTI PËR KRIME TË RËNDA

PKR.2/15, dt. 18.11.2015

Sek.juridike

Lavdije Brahim

Kryetari i trupit gjykues

Musa Konxheli

KËSHILLA JURIDIKE: Kundër këtij aktgjykimi është e lejuar ankesa,Gjykatës së Apelit në Prishtinë në afat prej 15 ditësh nga dita e pranimit të kopjes me shkrim të këtij aktgjykimi, për mes kësaj Gjykate.